

# NARRÉ VERITABLE


DE TOVT CE QVI  
c'est passé en la reception &  
Ambassade de Monsieur le  
Mareschal de Cadenet, auec  
le Serenissime Roy de la Gran-  
de Bretagne.




A PARIS,  
Chez NICOLAS ROVSSET,  
en l'Isle du Palais, vis à vis  
les Augustins.

---

M. DC. XXI.





NARRE' VERITABLE  
 DE TOVT CE QVI C'EST PASSE'  
 en la reception & Ambassade  
 de monsieur le Mareschal de  
 Cadenet, avec le Serenissime  
 Roy de la Grande Bretagne.

**L**E Vendredy  
 premier iour  
 de l'An Mon-  
 sieur le Mares-  
 chal de Cadenet  
 partist de Calais  
 & vint à Douures ou arriua in-  
 continent après le Secretaire du  
 Fret, avec nouuelles de ce qui se  
 preparoit en Angleterre pour sa  
 reception, & du Palais de la feuë  
 Reyne qui auoit esté ordonné

A ij

pour son logement, ce qui luy fist prendre resolution d'attendre, & en ce mesme lieu le sieur Luquenard Maistre des Ceremonies & Conduc-teur des Ambassadeurs, qui n'arriua que le Lundy à midy, avec vingt carrosses & enuiron trois cens cheuaux pour sa suite.

Le Mardy cinquiesme mondit Sieur le Mareschal vint coucher à Cantorbery, fust rencontré à demye lieue de ladicte ville par le Grand Seneschal qui luy fit la bien-venue de la part du Roy avec la Noblesse du pais, & soudain qu'il fut audit Cantorbery, les Officiers de la Iustice le vindrent saluer avec les complimens & excuses, si son excellence & les Seigneurs qui l'accompagnoient n'estoient logez com-



me ils meritoient: visitant l'Eglise qui est vne des plus belles de la Chrestienté, fust assisté desdits Officiers. Et deuant luy tousiours marcherent les Archers de la ville avec les hoquetons & les haliebardes, mesmes les Archers coucherent souz la porte de son logis.

Le lendemain Mercredy mondit Sieur le Mareschal alla coucher à Stimbourg, où il fust encores accompagné par ledict Grand Seneschal. Et le Ieudy se rendit à Granchingues, d'où luy vint au deuant Monsieur le Comte de Telliers, qui l'asseura que dès le soir il seroit visité de la part de sa Majesté de la grande Bretagne, par le Conte Darondel Premier Comte d'Angleterre, qui y tient le premier rang après Mon-

fieur le Prince de Galles. Et passant par Rocestres fut arresté par les Officiers qui luy firent des harangues en ceremonie.

Ledit fieur Comte Darondel n'arriua audit Granchingues que trois ou quatre heures après mondit Sieur le Marechal, à cause de la maree, venant à la visite de son Excellence. Il fust receu à la porte du logis par Monsieur le Comte de Lancy, accompagné de vingt-cinq Gentils-hommes, qui l'amenerent à mondit Seigneur le Marechal, par lequel il fut receu avec les compliments deus à sa qualité & à la dignité de sa Majesté de la grande Bretagne, & inuité à souper luy & les Seigneurs venus pour l'accompagner : mais il s'en excusa sur quelque incommodité particuliere,

Le Vendredy matin entre huit  
& neuf heures mondit Sieur  
le Marechal fust visité par ledit  
Comte Darondel & mene dans  
le basteau de sa Majesté suiuy de  
vingt-cinq barges peintes ta-  
pisées, & garnies de superbes  
meubles, lors vingt-quatre pieces  
de canon le saluerent, & environ  
vne heure après midy arriua à  
Lódres, mis en son Palais par ledit  
sieur Côte Darondel. Il y fust sou-  
dain visité de la part de sa Majesté  
par le Milor de Ray, appelé le  
Vicomte Doncastre & de la part  
de Monsieur le Prince de Galles,  
par son premier Chambellan, l'a-  
presdinee il receut Monsieur  
l'Ambassadeur de Sauoye, & don-  
na audience a celuy de Venise sur  
les quatre heures du soir: celuy  
d'Espagne là luy enuoia deman-



der, mais il le remit au lendemain à cause de la fatigue du iour : Il le vit le Samedi après dîner avec grands compliments , le matin mondit Sieur le Marechal fust visité encores de la part de sa Majesté par ledit sieur Vicomte de Doncastre & le Milor Rich seul Capitaine de ses gardes, comme de la part de mondit sieur le Prince par le sieur de saint Anthoine pour sçauoir l'estat de sa santé.

Le festin de sa reception le Vendredy au soir a cousté deux cens liures sterlins, qui sont deux mille liures de France. Il y auoit quatre tables de cinquante assiettes chacune , magnifiquement seruis par l'ordre de monsieur le Duc de Lenos Grand Maistre d'Angleterre & du sieur Ede-  
mond



mond qui a esté Ambassadeur en France à present Thresorier de la maison de sa Majesté de la grande Bretaigne.

Dans cette opulence mondit Sieur le Marechal pria le soir ledit sieur Edemond d'en descharger sa Majesté & ses Officiers qui estoient cinquante commandez pour le seruir, à fin d'en pouuoir vser dorefnauant à sa mode, ce qui luy fut accordé le lendemain, à la charge que son Maistre d'hostel receuroit les presens qui luy seroient faicts chacun iour de trois cens quatre-vingts pieces de menu, quatre moutons, dix pastez de venaison, cent cinquante bouteilles de vin, & cinq cens pains, avec vingt carosses tousiours deuant la porte pour les Gentils hommes & autres qui

s'en voudroient seruir depuis le matin iusques au soir ainsi cela a passé iusques icy.

Ledit sieur Vicomte de Doncastre retournant le Samedy à la visite de mondit Sieur le Marechal luy offrit l'audience quād il luy plairoit, & le soir la luy apporta pour le lendemain Dimanche aprèsdisné sur les deux heures.

Mondit Sieur le Marechal fust mené à ladite audience par monsieur le Marquis de Bouquumquem dans la salle reseruee de tout temps: pour les affaires plus importans de l'estat & dans laquelle il ne se remarqua sa Majesté auoir iamais honoré personne de la semblable faueur.

Car c'est tout ainsi que si le Roy nostre maistre venoit du

Louure à la Chambre doree du Palais encores plus.

Tant que ceste audience dura il se remarqua vne allegresse particuliere de sa Majesté admirant la personne de mondit sieur le Mareschal, & la Noblesse Françoisise qui estoit par ce, comme il faut, & iamis l'Angleterre ne fust esmeuë de resiouissance, comme elle l'a esté de ceste ambassade pour l'affection qu'elle manifeste porter à la France.

Sa Majesté ne se contenta point des honneurs passez & voulut encores en donner vn plus particulier à mondit Sieur le Mareschal. Car elle luy fist dire qu'elle le vouloit receuoir & luy donner accès des le soir mesmes à la venir entretenir, ce qui fust faict: car vne heure après son re-



tour de son audiance publique sa Majesté le renuoya querir par le-  
dit sieur Marquis de Bouquim-  
quem, & ledit sieur Duc de Lenox  
qui le menerent par l'eauë dans  
le basteau du Roy, mondit sieur  
le Mareschal fust prés de deux  
heures entieres avec sa Majesté,  
qui mesme n'y souffrit ledit Mar-  
quis: & tesmoigna par son visage,  
& par les discours le contentemēt  
qu'il auoit receu en l'entretien de  
mondit sieur le Mareschal, & cō-  
bien il estimoit sa personne &  
son esprit.

Le Lundy mōdit Sieur fut visi-  
ter M<sup>r</sup>. le Prince de Galles qui le re-  
ceut avec tant d'honneur & de  
courtoisie qu'il ne se peut riē ad-  
jouster. Après l'Audiance le me-  
na jouër à la Paulme, joüa deux  
parties contre son Altesse, avec

Monfieur le Comte de Tallieres,  
& depuis deux autres parties avec  
fon Alteffe, & fortirent ensem-  
ble.

Le mardy mondit Sieur le ma-  
reschal a vifité le marquis de Bou-  
qumquem chez luy, & les Am-  
bassadeurs : le soir à receu celuy  
de Boheme, & tient-on que ce  
matin fuiuant le defir du Roy, il  
va vifiter Hamplencourt, ou tou-  
tes fortes de chasses luy font pre-  
parees : demain fa Majesté le trai-  
te en public.

Samedy iour des Rois au vieil  
ftil, il est conuié du ballet de  
monfieur le Prince de Galles.

Lundy foupera avec le Roy &  
les Dames chez le Vicomte de  
Doncaftre; voila ce qui c'est pas-  
fé iufques à cette heure pendant  
fon fejour à Londres remettant

à escrire à la premiere occasion  
ce qui se passera aux courses de  
bagues : ausquelles le Prince se  
prepare, comme aussi pour rom-  
pre en lice.

En haste.

*De Londres le 13. iour de Iannier.*

1621.